



**Vun frieher un heit for Bensmer Leit  
Bergsträßer Anzeigebblatt 31.12.1949**



**Proscht Neijoahr!**



"Proscht Neijoahr! E Brätzel wie e Scheierdoor!" Däs woar als unsern Ruuf, wann meer Buuwe am Neijoahrsmoijend doich die Schdadt gerennt sinn. Unser Haaptvegnieje woar dann, daß mer jeerem, där wuu uns inde Wää geloffe is, es Neijoahr hot oabgewinno kenne, indem daß mer sojn Neijoahrsgruß als ärschder ouebroacht hot.

Am Oowend vorhär simmer, en ganze Drubb Buuwe, doich die Schdroaße gezooge. Inde doomoolige Zeit hot uff Sylweschder un Neijoahr faschd immer Schnai geläje. Där woar oft sou tief, daß mer bis zuude Knie oigesunke is. Doo is de Booschleere kumme, en dreieckige niedrige Kaschde, den wuumer, die Schbitz noach vorn, mit zwaa, wanns neerig woar aa mit vier Schällegail doich die Schdroaße geschlaaft hot. Meer Buuwe häwwe uns drum geresse, wär vun uns sich hot druffhocke orrer druffschdelle därfe. Där Mann, där wuuen gefoahrn hot hot nix degäje gehadde. Im Gäjedaal, er woar frouh, wann sojn Schleere richdig beschweert woar. Um sou leichter horrer die Schnaimasse beiseit schiewe kenne. Die ganz Schdadt woar aan Schnäi. Die Dächer vunde Haiser mitsamt ehre „Giwwelchin“, die Kellerhäls, de Maikbrunne, die Ladärne un die Aeschd un Aeschdelchin vunde Beem, all däs woar mirrere dicke Schnaihaub iwwerzooge. Wanns dann dunkler worrn is, wann inde Haiser aan Zoggerbaam noachem annern ougeschdeckt is worrn, wann die dann ehrn Kätzeschoi doich die klaane Fenschderscheiwe uff die veschnaischde Schdroaße un Gasse geworfe häwwe, wann die Petroleumladärne ande Ecke vunde Haiser die Schnaihaufe un die Schnaimenner mit ehre driewe Licht beleicht häwwe, doo hot unser Bensmer e richdig Bild oabgäwwe vunerer vertraamte Klaaschdadt.

Sälbsdid als Buu hot mer gefiehl, daß mer soue feierlich Sylweschderschdimmung net doich Radau orrer laut Gekrisch schdeern därft. Im Gäjedaal mer häwwe vun unsere Seit aus aa dezuu beitraoe wolle, däs feschedliche Bild von unserer Vadderschdadt ze veschäinern, indem daß mer griine un roure Mangesiumlichdelchin ougeechdeckt un haushouch in die Luft geschmesse häwwe. Die oalde Haiserfronte woarn doo pletzlich farwig beleicht une allgema „Aa!“ hot jeeresmool unser bengaa lisch Beleichtung beglaat.

Unser ehrlich Beschdräwe hot awwer net lang ougehalte. Ball druff is de Deiwel wirrer in uns gefoahrn. For Knallärbse un Fresch häwwe schunn de „Aewwedaa“ un es Kärns owwe geniejend gesoigt gehadde. Unsern letschde Penning häwwe mer defoor hingeleggd un es woaren Helleschbaß for uns schläächde Buuwe, wammer die de Määdchin orrer de Weibslait vor die Fieß orrer goar unner die Reck häwwe schmeiße kenne. Aerschd wanns gehaaße bot, de Bollezeidiener Keller orrer de Saggaa orrer de Minschdermann kimmt, simmer, woas gischde, woas hoschde ausgeirckt. Die drei häwwe neemlich net lang gefaggelt un mit deene woar net gut Kärnsche ässe. — „Kanooneschlää“ hots doomools aa schunn gäwwe, awwer doodefoor hot unser Gäld net gelangt. De Andoon bot en Auswää gewißt, där wuu uns orik oigelicht hot. Er hot neemlich aan, manchmool aa zwaa und drei gewehnlische Fresch ine Gießkann geschmesse un hot sich schnall druffgehockt. Däs hot Schlää geduu! Liewer Mann, mer hott glaawe kenne, e ganz Haiservärdel deet uff aamool in die Lufd flieje. Jässes

Nannche, woas doo die Noachbersleit veschrocke sinn. Se hawwe die Fenschder uffgeresse un hawwe, wiese gemaikt häwwe, woas lous woar, geschennt wie die Rouhrschbatze. Meer Lausbuuwe woarn awwer schunn lengschd verschwunne. Aamool hot sich de Andoon bei souerer Geläjenheit soi Hoos vesengt. Wie soin Vadder dehinner kumme is, sinn die Schlää, die wuuer voorde noch erziigt hot, wettgemoacht worrn doich die Schlee, die wuuer jitz kriecht hot. Mar häwwem die Schmiß ehrlich gegunnt, weiler uns an dem Doa jeeresmool wäkgeschdumbt hot, wammer uns aa mool uff die Gießkann hocke wollte. - - Wanns qäje siwwene gonge is, häwwemer vunde Schdroaß verschwinne misse. Um halb neune simmer ins Bett geschdobbt worrn un häwwe uns bis Zwelfe net mäih muxe därfe. Wann awwer dann die Glocke vunde Schdadtkäich es NeiJoahr oigeleit häwwe, doo häwwemer uns net mäih hoalte lasse. Mit zwaa Fieß zu gleier Zelt simmer zum Bett rausgeschbrunge, häwwe unserm ganze Veoi, där wuu inde Nääweschoobb gesozze hot es NeiJoahr oabgewunne, sinn ans offne Fenschder geschdärzt un häwwe sou laut wie mer gekennt häwwe unser „Proschd NeiJoahr“ uff die Gaß nunner gebrillt. Unne hots an alle Ecke un Enne geschosse, Rakeede sinn mit laurem Gezisch doich die Lufd gesaust, iwweeroal häwwe Fresch geknaddert un alle Fenschder vunde Noachbershaiser woarn gräll beleicht. Vun iwweeroalhär hot där oalde NeiJoahrsgruß „Proschd NeiJoahr!“ in die koalt Winternoachd geschallt. Dann sinn die Schdroaße leerer worrn un ball häwwese doogeläe wie ausgeschorwe. Nor inde Wärschafte, wuu for die Schdammgäschd for umsunschd Grogg orrer Bunsch ausgeschenkt is worrn isses noch lang luschtig un frehlich härgange. Die meischde Fenschder vunde Baijershaiser woarn ball sackdunkel un Bensem hot in diefem Schloaf geläje un hot dem neie Joahr engäjegetraamt.

Sou is en NoiJoahrsoowend in moiner Jugendzeit velooffe. Heit hot sich doo manches in veeler Beziehung geennert. Bensem is immer gräißer worrn un hot allmehlich groußschdädtische Maniern ougenumme. Där klaaschdädtische Zesammehoalt is verschwunne un horrem allgemaane Klamau Platz mache misse. Faschd aus de Moore kumme sinn aa die grouße NeiJoahrsbratzel, die wuu e Bensmer Schbezialidääd woarn un uff die mei uns als Buuwe schunn lang vorhä' gefraat häwwe. Ich kennt noch veel anneres oufiehrrn, awwer warum dann? Woas en oalde Bensmer is, waäß joo Bescheid un kennt den Unnerschied vun frieher un heit. Die zwaa Wältkrieg häwwe es neerige dezuu beigetroae, de äldere Generation allen Schbaß aneme ausgelossene NeiJoahrsoowend ze nemme. Die Soije um die Zuukunfd, die Trauer um die Gefallene un Vermißte, die Sehnsucht noach deene, wuu noch als Kriegsgefangene zerickgehalte wärrn drickt bei de meischde uff die NeiJoahrsschdimmung, wie merse frieher hierzeland gewehnt woar.

Wammer am heitige NeiJoahrsoowend uffs vegangene Joahr zerick guggt, misse mer, ob mer wolle orrer net, doch zuugäwwe, daß sich manches zum Bessere gewend hot un daß mer dem oalde Joahr -manches zu vedanke häwwe, an däs wuu mer vor zwaa Joahr noch net gedenkt hot, dasses in Erfüllung ging. Mit unserem oalde NeiJoahrsgruß „Proschd NeiJoahr!“ wollemer hoffe, daß däs neie Joahr in die Fußdabbe vum oalde tritt, uns immer weher uffwärts fiehrt un uns däs bringt, woas uns es oalde bis jitz noch net bescheert hot.

„Proschd NeiJoahr!“ riefts uff alle Gasse  
„Proschd NeiJoahr!“ schalls aus jeerem Haus.  
Mer kanns noch wäklich goar net fasse,  
Dasses genumme schunn Reißaus.

Es woar es schläächste net vun deene,  
Wuu mer in letschder Zeit erlääbt!  
Es hot erfüllt goar manches Sehne,  
Un woar ze hälfte aa beschdäät.

De klaane Leit wollts aa woes gunne! –  
Besunnerschd bei de Frässerei  
Hot mer Veschdendnis oft gefunne:  
Heit is schunn manches mäikefrei,

Mer hot net brauche sou ze laafe,  
Bis darr mer woar wie e Schkelätt.  
Vo allem hot mer kenne kaafe  
Uff aamool wirrer Flaasch un Fätt.

Un Klaarer, Schuh un Schdrimb un alles,  
Woas mer im Haushoalt hoawwe muß,  
Woar wirrer doo noach langem Dalles,  
Zum Daal sogoar im Iwwefluß.

Nor aans. Zuärsch woars uns zu drucke,  
Trotzdem daß Räjje prophezeit.  
Es wollt goar mancher uff schunn mucke. —  
Da, pletzlich kimmt die Feichdigkeit.

Se is zwoar schbeet ärschd oigetrotte,  
Veel schbeerer hetts net därfe soi. —  
Es hott erfüllt noch manches Hoffe  
Uff guiii Ernt un sieße Woi.

Mer wollem net grouß Vorwärf mache  
Dem oalde Joahr. Naa, naa, waaß Gott,  
Wanns sich aa net in alle Sache,  
Wie mer sou sescht, gewäsche bot.

Es neie Joahr schunn heit ze loowe  
Däs weer zu frieh noch, ganz gewiß.  
Mer soll da Daa net ehnder loowe,  
Bevoor de Oowend kumme is.

jst